

Na osnovu člana 64. stav 1. tačka b)., člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14), te na osnovu preporuke Komisije za nabavke, a po provedenom postupku za nabavku radova putem pregovaračkog postupka bez objave obavještenja o nabavci, Pomoćnik gradonačelnika za Službu za komunalne poslove, izgradnju i poslove mjesnih zajednica, donosi

**ODLUKU
o izboru najpovoljnijeg ponuđača**

Član 1.

Prihvata se preporuka Komisije za nabavke, te se ugovor za nabavku naknadnih radova na izgradnji toplinske podstanice u MZ Brčanska Malta, dodjeljuje ponuđaču "MIKOM" doo Tuzla koji je dostavio svoju konačnu ponudu broj: 14-K/20 od 20.03.2020. godine u kojoj je ponuđena cijena od 5.740,14 KM bez PDV-a odnosno 6.715,96 sa PDV-om.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na web-stranici ugovornog organa (www.tuzla.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05/11-A-001487-2020 od 18.02.2020. godine. Postupak nabavke je proveden putem pregovaračkog postupka bez objave obavještenja. Postupak nabavke provela je Komisija za nabavke imenovana Rješenjem broj: 05/11-A-001487-2020 od 18.02.2020. godine.

U toku postupka javne nabavke Komisija je zaprimila pristiglu konačnu ponudu, izvršila njeno otvaranje, te pregled i ocjenu ponude prema kriterijima iz tenderske dokumentacije.

U postupku javne nabavke utvrđeno je sljedeće:

- da je ukupan broj pristiglih konačnih ponuda 1(jedna);
- da je blagovremeno zaprimljeno 1(jedna) konačna ponuda;
- da nije bilo neblagovremnih ponuda;
- da nije bilo neprihvatljivih ponuda.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, i tenderskom dokumentacijom. Iz navedenih razloga odlučeno je kao u dispozitivu ove odluke.

POUKA O PRAVNOM LIJEKU

Protiv ove odluke može se izjaviti žalba ugovornom organu, u dovoljnom broju primjeraka a koji ne može biti manji od tri, najkasnije u roku od 10 (deset) dana od dana prijema ove odluke.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za komunalne poslove, izgradnju i
poslove mjesnih zajednica
Broj: 05/11-A-001487-2020
Datum, 23.03.2020. godine**

**Pomoćnik gradonačelnika
za Službu za komunalne poslove, izgradnju i
poslove mjesnih zajednica**

mr.sc. Mirela Uljić, dipl.ing.građ.